

Naalackersuisut matumuuna saqqummiuppaat aalajangiiffigisassatut siunnersuut imaattoq, Inatsisartut suleriaasianni § 33 naapertorlugu:

**Inatsisartut aalajangiiffigisassaattut siunnersuut, Namminersorlutik Oqartussat ilalissagaat NemID-mik pisortat digitaliusumik signatur-iannik imaqartumik inunnuut aamma inatsisit naapertorlugit immikkoortortani sulisunut Kalaallit Nunaanni atortuulersinneqassasoq Kunngip peqqussutaagut**

(Ilinniartitaanermut, Kultureqarnermut, Ilageeqarnermut, Nunanullu Allanut Naalackersuisoq)

## **1. Peqqussutip imai**

### 1.1. Siunnersuutip pingaarnertut tunuliaqutai

Periarfissaasimavoq innuttaasunut Kalaallit Nunaanni inuit allattorsimaffianni nalunaarsorneqarsimasunut NemID -mut pisortat digitaliusumik signatur-iannik imaqartumik allagartartaarnissaq 2009-miillu. Digitalimik Sullissinermit Aqutsisoqarfiup siulia IT-mut allattoqarfik, Kalaallit Nunaata sinniisoqarfia københavn-imi suleqatigalugu Nets DanID A/S-imut isumaqatigiissuteqarpoq kommunit taakkuusinnaasut immikkoortortat nalunaarsuiffiusartut inuit NemID-mik sanatitsisarneranni, danskit kommuniisulli.

Digitalinngortitsiniarnermi periusissiaq siusinnerusoq nukittuumik isiginiaasimavoq digitaliusumik imminut sullinnissamut aaqquissuussinernik pisortani ingerlatsinermi, allanillu digitaliusunik attaveqatigiinnermi aaqquissutaasartunik innuttaasuut aamma suliffeqarfinnut. Pisortat ingerlatsineranni allakkat digitaliusut maanna pilersinneqalerpoq, Pisortani Digitalimik Allakkerineq pillugu Inatsisartut inatsisaat nr. 14, 8. juni 2017-imeersoq naapertorlugu. Digitaliusumik ingerlatsinermi periusissiassaq aggersoq suli annertunerusumik digitaliseriinissamik aallussisuusaaq.

Aammattaaq Qitiusumik Suliffeqarfinnik Nalunaarsuiffimmi nalunaarsuisarnek pillugu Inatsisartut inatsisaat nr. 33, 28. november 2016-imeersoq 1. januar 2018 atortuulerpoq. Tamatumuuna periarfissaalersinneqarpoq inatsisitigut immikkoortortat tamarnik, tassalu pisortatut oqartussaasut aamma suliffeqarfiit NemID-mik sulisuminnut inatsisilerinermi ingerlatsinermi sulisuusunut sanatitsisinnaanerat. Taamaasillunilu maanna periarfissaalerpoq imminut digitaliusumik sullinnissamut attaveqatigiinnermullu aaqquissutinik pilersitsisinnaaneq, kalaallit suliffeqarfiinut isumannaatsumik naammassiuminartumillu.

Inuttut nammineq NemID-ip aamma sulisumut NemID-ip qularnaassavaa assigiissumik digitaliusumik kinaassusiliisinnaaneq, inuit pineqartillugit imaluunniit suliffeqarfiit pineqartillugit.

Naalakkersuisut danskit inatsisaanni tunngavilersuutaasoq isumaqatigaat, pisortani suliassaasoq ilisarnaatinik digitaliusunik pilersitsisarneq, inatsisitigut ersarissumik killiliussassanik pilersitsisoqassasoq pisussaaffiit aamma piginnaatitaaffiit pillugit, allaffissornermi aamma NemID-mik pilersitsisarnermi, aammalu innuttaasut suliffeqarfiillu inatsisitigut illersugaanerat qularnaarneqassasoq.

Suliassaqarfimmi tassani inatsisitigut illersugaaneq immikkut qularnaarissaaq innuttaasut aamma suliffeqarfiit ersarissunik naammagittaalliorfissaqarnissaannik, NemID-mik sanaanneqarsinnaanngikkunik, NemID pigisartik matuneqarpat assigisaanilluunniit pissusilersortoqarsimappat. Innuttaasut aamma suliffeqarfiit inatsisitigut illersugaanerat ersarissarneqassaaq, tamatumani aamma naammagittaalliorsinnaanermut periarfissat.

Siunnersuut una pissutsinik imatut allanngortitsinngilaq. Innuttaasoq kinaluunniit 2009-miilli periarfissaqarpoq NemID-mut namminerisaminik allagartartaarsinnaanermut kommunimi innuttaasunik kiffartuussivimmut saaffiginninnikkut imaluunniit [www.nemid.nu](http://www.nemid.nu) saaffigalugu. NemID pillugu ilitersuut nassaassaavoq uani [www.sullisivik.gl](http://www.sullisivik.gl). Inuttut nammineq NemID -mut allagartartaarneq akeqanngilaq.

Suliffeqarfiit 1. januar 2018 aallarnerfigalugu periarfissaqalerput NemID-mut kort-imik sulisuminnut sanatitsisinnaanermut. Tamanna pisinnaavoq uani [www.medarbejdersignatur.dk](http://www.medarbejdersignatur.dk). Danskit suliffeqarfiisulli sulisunut siullernut pingasunut allagartat suliffeqarfimmut akeqanngillat.

Danmark-imi Digitaliseringsstyrelse 2008-miilli akisussaasuvoq Nets DanID A/S-imut, OCES-imi inuit certifikatinut, certifikatiliortarnermut politikkimut OCES-mi sulisut certifikatiinut atatillugu aammalu Nets DanID A/S-imik nakkutilliinermut. Danskit inatsisaata Digitaliseringsstyrelsiipp suliassai allanngortinngilaa aammalu Nets DanID A/S-ip suli ingerlaqqittumik suliassarimmaagu inunnut certifikatinik suliaqartarneq. Nets DanID A/S toqqarneqarumaarpoq § 1, imm. 1 naapertorlugu.

Nets DanID A/S-ip piginnaatitaanera NemID-mut allagartanik pilersitsisarnermut naatsorsuutigineqarpoq 2021-imi naassasoq. Danmark-imi Digitaliseringsstyrelsiipp piareersarpaa neqeroortitsinissaq nunamut tamarmut atortumik eID-mik ingerlatsinissamut aammalu kinaassutsimut uppernarsaammut MitID. MitID siunnersuummi ilaanngilaq. Danskit Digitaliseringsstyrelsiata MitID-mik atuilernissaq sioqqullugu suliaq ingerlatissavaa ataatsimut isigisumik aqutsinissamut qanoq ittunik pisariaqartitsinerit eqqarsaatigalugit nunamut tamarmut atuuttumik eID-mut aaqqiissutissamut atatillugu, tamatumani aamma MitID-mut, aammalu pisortat digitaliusumik atortorissaarutit taakkua sannaasa aaqqiissuusaaneri il.il. eqqarsaatigalugit.

Qularnaarumallugit kalaallini innuttaasut suliffeqarfiillu inatsisitigut illersugaaneri Naalakkersuisut kissaatigaat siunnersuutip matuma akuersissutigineqarnissaa.

## 1.2. Inatsisissamut siunnersuusiornermi qulequttat pingaarnerit

Folketingip Ombudsmandiata nalunaarusiamini 2017-19 ulloq 15. juni 2017-imeersumi "NemID-mik aqutsineq apeqqusiinissamut pissutissaqartitsisimavoq naammattunik inatsisunik il.il. tungaveqartoqarneris pillugu", ilaatigullu oqaatigalugu NemID innuttaasuut nammineq piuumassutsimik atugassatut aaqqissuussaannermit, aallaqqaammullu taamaallaat pisortat digitaliusunik aaqqissuussinerini ataasiakkaaginnarni atorneqarnerminiit maanna pisortani aaqqissuussinerni ilaalluinnalersimasoq digitaliusumik pinngitsoorani aaqqissuussinerni. Folketingip Ombudsmandiata aamma tikkuarsimavaa pisariaqartitsisoqartoq erseqqissaasoqarnissaa suliamik ingerlatsisuuneq Nets DanID A/S -imit kiisalu aamma suliffeqarfinit nalunaarsugaasunit ingerlanneqartoq, aalajangiiviusartutut suliffiunersoq, imaluunniit arlaatigut pisortat ingerlatsinerineraat. Kiisalu aamma piginnaatitsissummik qularnaarisooqartussavaoq suliamik allanut suliakkiisinnaanermut Nets DanID A/S-imut, aammalu suliffeqarfinit nalunaarsugaasunit ingerlatsinerit eqqarsaatigalugit.

Folketingip Ombudsmandiata isummersuutaasa kinguneraat inatsisip Danmark-imi nutarteriffigalugu siuarsarneqarnera.

Naalakkersuisut isumaqatigaat pisortat akisussaaffii eqqarsaatigalugit aammalu innuttaasut inatsisitigut illersugaanerat eqqarsaatigaluguttaaq ersarinnerusunik erseqqissaateqartoqartariaqartoq, NemID-mut allagartanik sanasarnerni, tamatumaniilu aamma naammagittaalliorsinnaaneq eqqarsaatigaluguttaaq. Kiisalu aamma erseqqissarneqassasoq toqqagaasoq Nets DanID A/S-i allagartaliortartoq nalunaarsukkatullu ingerlatsiviit pisortat suliassaannik ingerlatsisuummata pisortanilu ingerlatsiviit aalajangigassaannik aalajangiisarlutik, NemID-nut allagartanik innuttaasuut imaluunniit suliffeqarfiit sulisuinut pilersitsisarnerminni, NemID-mik sananissanut itigartitsigaangamik, imaluunniit NemID-mik ammaaqqikkaangamik, tamanna matuneqarsimatillugu.

NemID-mik atuneq aaqqissuussinerni digitaliusuni Kalaallit Nunaanni annertusineqaaq suli aammalu digitaliseriinnikkut. Taamatut isumalluarnep ilalersorpaa pisariaqartitsineq innuttaasut aamma suliffeqarfiit suliassaqarfimmi tassani inatsisitigut atugaanni nukittorsaasoqarnissaa.

## 1.3. Siunnersuutip ataatsimut isigalugu ilusaa

Siunnersuutikkut erseqqissarneqassapput innuttaasut aamma suliffeqarfiit inatsisitigut illersugaaneri, tamatumani aamma naammagittaalliorsinnaanermut periarfissaat, kiisalu inatsisikkut siunnersuutigalugu pisortat suliassarigaat NemID-mut allagartaliortarneq, tamannalu suliarineqartartoq pisortat akisussaaffigisaannik.

Siunnersuut una naapertorlugu aalajangiisarnerit pisassapput pisortat ingerlatsineranni maleruagassat naapertorlugit aammalu pisortat ingerlatsineranni ingerlatsineranut tunngaviusut aallaavigalugit.

Siunnersuummi aalajangiusimaneqarpoq allaffissornikkut ingerlatsineq piffissami matumani atuuttusoq. Nets DanID A/S toqqarneqassaaq danskit ministeriannit Inatsit nr. 439, 8. maj 2018-imeersumi aalajangersakkat naapertorlugit NemID-mik pisortat ilisarnaataanik imaqartumik sanattisisinnaanermut inunnut aamma inatsisit naapertorlugit immikkoortortani sulisuusunut. Assigisaanillu kommuninut nalunaarsuisarnermik ingerlatsisunut atatillugu.

## **2. Siunnersuummi immikkoortut pingaarnerit**

a) Inatsit atuuttut

Suliassaqarfimmi tassani siusinnerusukkut inatsisiliortoqarsimanngilaq. Maanna NemID-mik suliaqartarnek taamaallaat pisarpoq isumaqatigiissutaasut – kontraktit – aqutugalugit kontraktinullu tunngatillugu aalajangersakkat Danmark-imi Digitaliseringsstyrelse-imit suliaasut naapertorlugit.

Kalaallit Nunaannut aaqqissuussineq isumaqatigiissusiornikkut suliaavoq. Nets DanID -ip aamma kommunit isumaqatigiissutaasigut, kiisalu aamma Danmark-imi kalaallit sinniisoqarfiata nunatsinni Digitalimik Sullissineranut Aqutsisoqarfik aamma Nets DanID A/S sinnerlugu.

b) Siunnersuut

§ 1-imi aalajangersarneqarpoq pisortat ineriartortitsinerannut ministeri - ministeren for offentlig innovation – piginnaatitaasoq NemID-liortarnermut Naalagaaffik sinnerlugu. Tigussaasumik suli Net DanID A/S -i NemID-liortartuussaaq. Pisortani ineriartortitsineranut ministeri ersarinnerusunik maleruagassiortussaa voq NemID-mik allaffissornikkut aqutsineq pillugu, nalunaarusiornikkut. Taamaasilluni nalunaarutikkut aalajangersaasoqassaaq suliaqartarnernut aamma matusisarnernut innuttaasunut suliffeqarfinnut ammasunut iserfissanut.

§ 2-mi aalajangiunneqarpoq pisortat ineriartortitsineranut ministeri inatsisit naapertorlugit ingerlatsisuusussanik toqqaasinnaasoq, nalunaarsuisartutut suliamik ingerlatsisuusussamik, inunnut namminernut NemID-mik pilersitsisarnermi, nalunaarsugaasutut immikkoortutut NemID-mi suliamik ingerlatsisuusussatut. Maanna aaqqissuussineq kommunit NemID-nik innuttaasunut sanasarnerat ingerlaannaassaaq.

§ 3 aalajangersaavoq danskit pisortani ingerlatsineranut inatsisaat atortinneqartussaaq aalajangiisarnernut Nets DanID A/S-imit suliarineqartartunut atatillugu, kiisalu aamma Pisortat ingerlatsineranni suliassat suliarineqartarnerat pillugu Inatsisartut inatsisaat atortinneqassasoq kommunini aalajangiisarnernut atatillugu.

§ 4 aalajangiivoq kinaluunniit 15-inik ukioqalereersimasooq danskisullu inuttut normoqartoq piumasinnaasooq NemID-mik sannanneqarnissaminik, kiisalu aamma inatsisit naapertorlugit immikkoortut CVR normoqartut aamma NemID-mi allagartanik sulisuminnut sanatitsisinnaasut.

§ 5 aalajangersaavoq naammagittaalliortoqarsinnaasooq Danmark-imi Digitaliseringsstyrelsimut. Innuttaasut suliffeqarfiiillu Nets DanID A/S-imit aamma kommuninit aalajangikkat pillugit naammagittaalliuqarsinnaapput. Danmark-imi Digitaliseringsstyrelsiip naammagittaalliuqarsut suliarisinnaajumallugit piginnaatitaaffigaa paasisutissat aalajangiinnermut attuumassuteqartut tamarmik tunniunneqartarnissaat. Kommuninut tamanna isumaqarpoq pisariaqartunik uppersaatsissanik qularnaarisartussaasut aalajangiinnerminnut atasunik, aalajangiineq innuttaasumik tapersiisimannikkaangat.

### **3. Aningaasaqarnikkut allaffissornikkullu pisortanut kingunerisassai**

Digitaliseringsstyrelse aamma Nets DanID A/S isumaqatigiissuteqarsimapput Digitaliseringsstyrelse kommuninut siunnersuisarnermik ingerlatsisarsinnaasooq qularnaarumallugu tassani sulisuusut suliaminni qaffasissumik pitsaassusilinnik NemID-mik sanasarnermi sullissisarnissaat, qularnaarneqassasorlu aamma siunnersuisarneq ilitsersuisarnerlu aamma kalaallisut ingerlanneqarsinnaassasooq.

Siunnersuisarnermik aamma ilitsersuisarnermik suliat naatsorsuutigineqarpoq ukiup affaanik naleqassasut sulisunut marlunnut pingasunulluunniit. Nets DanID A/S suleqatigalugu neqerooruteqartoqassaaq ukiumoortumik sulisunik NemID-mik sanasartunik kommunini pikkorissaasarnissanik. Siunissami ingerlatsinnermut tamatumani aningaasartuutissat ukiumut 450.000 kr.-inik annertussuseqassapput.

Naatsorsuutigineqarpoq kommunit namminneq angalanernut, nerisanut aamma ineqarnermut aningaasartuutit sulisuusut pikkorissarnerini akilertassagaat.

### **4. Aningaasaqarnikkut aamma allaffissornikkut inuussutissarsiortunut kingunerisassai**

Naatsorsuutigineqanngilaq peqqussut inuussutissarsiortunut kinguneqassasooq. Iluqutissat aamma ajoqutit, inuussutissarsiornikkut sulisunut, NemID -mik atuinnikkut angusaqarnermut, Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. 33, 28. november 2016-imeersumut atasuupput.

### **5. Avatangiisinut, pinngortitamut innuttaasullu peqqissusiannut kingunerisassai**

Avatangiisinut, pinngortitamut aamma innuttaasut peqqissusiannut kinguneqartussaannngilaq, peqqussutikkut maanna periaasiusut allannngortinneqartussaannngimmata.

### **6. Innuttaasunut kingunerisassai**

Innuttaasut inatsisitigut illersugaanerat NemID-mik sannanneqartarnermi nukittorsarneqassaaq. Innuttaasunut namminneq inuttut NemID-mik sanaanneqarnissamut inatsisitigut piumasaqaatinik naammassinnittunut siunnersuut kinguneqartussaannigilaq. Inuttaasut nammineq inuttut NemID-mik pisaarnissamik itigartinneqartut, imaluunniit allagartamik taassuminnga pigisaminnik mattunneqartut atuisinnaajunnaarsillugit, inatsisitigut illersugaanermikkut pitsanngorsaavigineqassapput. Ilaatigut NemID-mik sannanneqarnissami aalajangersakkat nalunaarusiornikkut malittarisassiuunneqarnerisigut tamanut ammasumik, kiisalu aamma inatsimmi aalajangersarneqartukkut naammagittaalliorsinnaatitaanikkut.

## **7. Pingaaruteqartut kingunerisassat allat**

NemID-mik atuinnermut atatillugu paasiuminartumik ersarissumillu inatsisitigut aqutsinermik aaqqissuussineq Kalaallit Nunaannut iluaqutaavoq. Inatsisiliorneq maanna siunissamilu inatsisiliorneq digitaliusumik immiut sullissinnaanermut digitaliusunullu suliniutit allat killilersugaapput peqqussummi uani aalajangersakkat iluannut.

Danskit nalunaarutissamut taamani missingersuusiaanni § 1, imm. 2 naapertorlugu § 4, imm. 2-mi ersippoq nalunaarsuisarnermik ingerlatsisuusut NemID-mik sannassinissamik itigartisisinnaasut inunntut, nalunaarsuisartutut immikkoortup nalilersimappagu inuk eqqortisisinnaanngitsoq tamatumani lu aamma paasinnissinnaanngitsoq aalajangersakkanik § 3-mi. § 3-mi nalunaarsorneqarput immikkoortut 12-it piumasaqaataasut NemID-mik sanatitsisinnaanermut.

Digitaliusumik inatsisiliornermi sumiluunniit isiginiarneqartassaaq innuttaasut ilaqartarnerat NemID-mut allagartamik sannanneqarsinnaanngitsunik.

## **8. Tusarniaaneq pisortanik aamma kattuffinnik il.il.**

Siunnersuut piffissami 6. juli 2018-imiit 3. august 2018-imut tamanut ammasumik tusarniaassutigineqarsimavoq tusarniaasarnermut quppersakkami, aammalu tusarniaassutigalugu nassiuunneqarsimalluni tusarniaavigineqartussanut ukununnga:

Aalisarnermut Piniarnermut Nunalerinermullu Naalakkersuisoqarfik	Departementet for Fiskeri, Fangst og Landbrug
Aatsitassanut, Suliffeqarnermut Nunamullu Namminermt Naalakkersuisoqarfik	Departementet for Råstoffer, Arbejdsmarked og Indenrigsanliggender
Akilerartarnermut Aqutsisoqarfik	Skattestyrelsen
Angajoqqaatigiit	Forældreforeningen til børn med ADHD og/eller autisme
Aningaasaqarnermut Naalakkersuisoqarfik	Departementet for Finanser
Atorfillit Kattuffiat, AK	AK
Avannaata Kommunua	

Bank Nordic	
Datatilsynet	
GrønlandsBANKEN	
Ilinniartitsisut Meeqqat Atuarfianneersut Kattuffiat, IMAK.	IMAK
Ilinniartitaanermut, Kultureqarnermut Ilageeqarnermullu Naalakkersuisoqarfik	Departementet for Uddannelse, Kultur og Kirke
Ineqarnermut Attaveqaqatigiinnermullu Naalakkersuisoqarfik	Departementet for Boliger og Infrastruktur
Inooqat	Forældreforeningen for udviklingshæmmede i Grønland
Inuit Pisinnaatitaaffiit Kalaallit Nunaata Siunnersuisoqatigiivi pillugit	Grønlands Råd for Menneskerettigheder
Inuussutissarsiornermut Nukissiuuteqarnermullu Naalakkersuisoqarfik	Departementet for Erhverv og Energi
Inuit Pisinnaatitaaffii pillugit Institutti	
ISI	Foreningen for blinde og svagsynede i Grønland
Isumaginninnermut, Inatsisinillu Atuutsitsinnermut Naalakkersuisoqarfik	Departementet for Sociale Anliggender og Justitsområdet
Kalaallit Nunaata Eqqartuussisuuneqarfia	Landsretten i Grønland
Kalaallit Nunaata Eqqartuussisuuneqarfia	Retten i Grønland
KANUNUPE	
Kommune Kujalleq	
Kommune Qeqertalik	
Kommuneqarfik Sermersooq	
KTK	Døveforeningen i Grønland
Autismimik nappaatillit peqatigiiffiat	Landsforeningen for Autisme
MIO – Meeqqat Inuussuttullu Oqaloqatigiinnittarfiat	Børnerettighedsinstitutionen / National Advocacy for Childrens Rights
Neriuffiit Kattuffiat	Kræftens Bekæmpelse i Grønland
Nunanut Allanut Naalakkersuisoqarfik	Departementet for Udenrigsanliggender
Nunatsinni Advokatit	Grønlandske Advokater
NUSUKA	
Nunatsinni Nakorsaaneqarfik	Landslægeembedet
Naalakkersuisut Siulittaasuata Naalakkersuisoqarfia	Formandens Departement

Peqqissutsimut Ilisimatusarnermullu Naalakkersuisoqarfik	Departementet for Sundhed og Forskning
Peqqissutsimut Pitsaaliuinerullu Aqutsisoqarfik	Styrelsen for Sundhed og Forebyggelse
Peqqissaasut Kattuffiat	Grønlands Sygeplejerskeorganisation
Pinnortitamut Avatangiisinullu Naalakkersuisoqarfik	Departementet for Natur og Miljø
Qeqqata Kommunia	
Sugisaq	Foreningen for sindslidende og deres pårørende
Sulinermik Inuussutissarsiuteqartut Kattuffiat, SIK	SIK
Sulisitsisut	Grønlands Erhverv
Tilioq	Handicaptalsmand

## 9. Tusarniaanermi akissutit pisortanit kattuffinit allaniillu.

Tusarniaanermi akissutinik ukunanga tigusaqartoqarpoq:

Aningaasaqarnermut Naalakkersuisoqarfik	Departementet for Finanser
GrønlandsBANKEN	
Inuussutissarsiornermut, Nukissiuuteqarnermullu Naalakkersuisoqarfik	Departementet for Erhverv og Energi
Isumaginninnermut, Inatsisinillu Atuutsitsinnermut Naalakkersuisoqarfik	Departementet for Sociale Anliggender og Justitsområdet
Kalaallit Nunaata Eqqartuussisuuneqarfia	Landsretten i Grønland
Naalakkersuisut Siulittaasuata Naalakkersuisoqarfia	Formandens Departement
Peqqissutsimut Ilisimatusarnermullu Naalakkersuisoqarfik	Departementet for Sundhed og Forskning
Pinnortitamut Avatangiisinullu Naalakkersuisoqarfik	Departementet for Natur og Miljø
Sulisitsisut	Grønlands Erhverv

### 9.1 Tusarniaanermi akissutinik eqikkaaneq

Tusarniaavigineqartut amerlanerpaat siunnersuummut oqaaseqaateqanngillat.



GrønlandsBANKEN, Nunatta Eqqartuussivia aamma Sulisitsisut siunnersuummut tapersersuermennik nalunaaruteqarput. Taakkua siunnersuut alloriarnertut pisariaqartut nalilerpaat innuttaasut suliffeqarfiillu NemID-mik atuinermi toqqissisimanissaannut. Aammattaaq siunnersuut pisariaqartippaat qularnaarumallugu Kalaallit Nunaanni digitaliusumik ineriartortitsinerup pitsaasumik naammassisaqarfiusumillu ingerlanissaanut.

Isumaginninnermut Inatsisinillu Atortitsinnermut Naalackersuisoqarfiup tikkuarsimavaa oqaatsinik ilatsitsineq, Danmark-imi Digitaliseringsstyrelsen aamma nunatsinni Digitalimik Sullissinnermut Aqutsisoqarfimmut atatillugu (danskisuaanut taamaallaat tunngasoq), siuliani allaaserinninnermut atatillugu. Qinerneqarsimavoq Kalaallit Nunaanni Digitalimik Sullissinnermut Aqutsisoqarfik danskisut taamaallaat "Digitaliseringsstyrelsen"-imik taaneqartassasoq, aallaavigisarput tassaammat Kalaallit Nunaat, allamilu pissutsit erseqqissarneqartarlutik Danmark-ip ilanngunneqartarneratigut Danmark-imi Digitaliseringsstyrelsimut atatillugu. Ilatsitsinermik taasaq danskisut oqaasertani atuuppoq, kalaallisut taaguutaammat "Digitalimik Sullissinnermut Aqutsisoqarfik".

Innuttaasoq imaluunniit suliffeqarfik kalaallit Digitalimik Sullissinnermut Aqutsisoqarfiannut naammagittaalliteqarpat, taava Digitalimik Sullissinnermut Aqutsisoqarfiup naammagittaalliut Danmark-imi Digitaliseringsstyrelsimut ingerlateqqittussaavaa.

## 9.2 Tusarniaanermi akissutit

Tusarniagaq	Tusarniaanermi akissut	Oqaaseqaat
Aningaasaqarnermut Naalackersuisoqarfik	Aningaasaqarnermut Naalackersuisoqarfik oqaaseqaateqanngilaq nassiunneqartumut tusarniaassutaasumut: Inatsisartut aalajangiiffigisassaattut siunnersuut Namminersorlutik Oqartussat oqaaseqaatissaattut Kalaallit Nunaannut Kungip peqqussutaanik atortuulersitsinissamik inatsimmik, NemID-mik suliaqartarnissamik pisortat digitaliusumik signaturiannik imaqartumik innut aamma inatsisit naapertorlugit immikkoortortani sulisuusunut.	Siunnersuummi allannguinsamut pissutissaqartitsinngilaq.
GrønlandsBANKEN	Naalackersuisut siunnersuutikkut nassiunneqartukkat kissaatigisimavaat innuttaasut inatsisitigut illersugaanerisa qularnaarneqarnissaat, Nem ID-mik pilersitsisarnernut atatillugu. Aningaaseriviit inatsisissatut	Siunnersuummi allanguinsamut pissutissaqartitsinngilaq.  Naalackersuisut isumaqatigaat qularnaatsumik

	<p>siunnersuummit toqqaannartumik attorneqanngillat. GrønlandsBANKEN-ili taamaattoq inatsimmi ilaassaaq aningaaseriviup nalunaarsuinerit pilersittarpagit NemID-mik pisortat digitaliusumik ilisarnaataannik imaqartunik sanatitsisarnerni inunnut.</p> <p>GrønlandsBANKEN pissutsini taamaattuni nalunaarsuiffittut immikkoortuussaaq, kommunini nalunaarsuiffittulli.</p> <p>Aningaaserivik nalunaarsuiffittut immikkoortutut pisussaaffilerneqassaaq aalajangiisarnissanut NemID pillugit ingerlatsivinnit aalajangerneqartunut tunngatillugu, pisortat ingerlatsinerannut malittarisassat atuuttut naapertorlugit.</p> <p>Tamannalu ilaatigut isumaqarpoq uppersaatinut aningaaseriviup pilersitassanut aalajangiisarnerni, aalajangiineq pineqartoq innuttaasumut iluaqusiisussatut inissinngikkaangat.</p> <p>Aningaaseriviup naatsorsuutigaa annertunngitsumik allaffissornikkut suliassat amerleriaateqarnissaat, kisiannili pingaartutut isigalugu innuttaasut toqqissisimanissaat digitaliusunik aaqqissuussinerni, pisortaniit neqeroortigineqartunik.</p> <p>Aningaaseriviullu aamma malugeqqussavai piumasqaatit inuit kinaassutsiminnik uppersaananerannut atorneqartartut. Tamanna tunngaviusumik piumasqaataavoq, digitaliusumik ilisarnaammik pilersitsinissami.</p> <p>Tamatumani nammineerluni inuttut kommunip allaffianut imaluunniit aningaaseriviup immikkoortortaarfianut ornigunnissaq illoqarfinni minnerni</p>	<p>naammassisaqarfiusumillu periaatsimik pilersitsisoqassammat innuttaasup illoqarfinni minnerni nunaqarfinnilu najugaqartut kinaassusiata paasiniartarnerannut.</p> <p>Periaatsimi aallaavigineqassaaq naatsorsuutigisariaqassammat nunaqarfinni illoqarfinnilu minnerni innuttaasut amerlasuut assitalimmik ilisarnaateqartannginnerat, biilernermut allagartami, pas-imik allamilluunniit assingusumik peqarnermikkut.</p>
--	---	---

	nunaqarfinniluunniit najugalinnut unammilernartuusinnaavoq. Inatsisissatut siunnersuutip iluaqusiisumik Naalakkersuisut pisussaatisinnaavai Kalaallit Nunaata nunarsuarmit periaasiinut annerusumik qanillat-toqqinnissaanut, nunami namminermit id-mik aamma assitalimmik kinaassutsimut uppernarsaasarnissaq eqqarsaatigalugit.	
Niuernermit Nukissiuuteqarnermullu Naalakkersuisoqarfik	Inuussutissarsiornermit Nukissiuuteqarnermullu Naalakkersuisoqarfik siunnersuummut nassiuqqartumut oqaaseqaateqanngilaq, ingerlaqqittumik NemID-mik nunatsinni atortuulersitsisumut.	Siunnersuummi allannguissamut pissutissaqartitsinngilaq.
Isumaginninnermit Inatsisinillu atortitsinnermit Naalakkersuisoqarfik	Isumaginninnermit Inatsisinillu Atortitsinnermit Naalakkersuisoqarfik imaattunik “Aalajangiiffigisassatut siunnersuummut Kunngip peqqussutaatigut Kalaallit Nunaanni atortuulersitsinissamut, NemID-mik pilersitsisarnermut atatillugu: <ol style="list-style-type: none"> <li>1. Ataatsimut isigaluni siunnersuummi erseqqissarneqartariaqarpoq Digitaliseringsstyrelse Danmark-imii toq imaluunniit Kalaallit Nunaanni toq pineqarnersut pillugit. Tamanna ilaatigut atuuppoq imm. 3-mi, aningaasaqarnikkut allaffissornikkullu kingunerisassai pisortanut, qup. 4-mi.</li> <li>2. Imm. 3-mi 1.3-mi, siunnersuutip imai ataatsimut, qup. 3-mi ersippoq "Nets DanID A/S danskit ineriartortitsinnermit ministeriannit toqqarneqassaaq inatsimmik tunngaveqartumik”. Erseqqissallaqqunarpoq inatsit suna pineqarnersoq Nets DanID A/S-imik toqqaanermi tunngavigineqartoq, tassanilu ilanngullugu toqqaanartumik innersuussineq.</li> <li>3. Qupperneq 6-imi ersippoq siunnersuut toqqaanartumik Isumaginninnermit Inatsisinillu</li> </ol>	Siunnersuummi allannguis-samik pisariaqartitsivoq.  Imm. 1-imut. Danskit oqartussaasuisa aamma kalaallit oqartussasuisa inatsimmik isumaginnittuusussap danskisut assigiimmik taaguuteqarnerat, tassa Digitaliseringsstyrelsen danskisut paatsuungatitsisinnaavoq.  Aalajangiiffigisassatut siunnersuummi danskisut “Digitaliseringsstyrelsen i Danmark” taaguutigittinneqarpoq, kalaallilu aqutsisoqarfiat ”Digitaliseringsstyrelsen” – kalaallisut ”Digitalimik Sullissinnermit Aqutsisoqarfik”. Taamatut aaqüisoqarpoq erseqqissarniarlugu uagut aallaavigisarput tassaammat kalaallisut

	<p>Atortitsinermit Naalackersuisoqarfimmut tusarniaassutigineqarsimasoq. Tamanna atianut eqqortumut iluarsisariaqarpoq.</p>	<p>taaguutaa. Kalaallisut pappialani paatsiveerusimaarneq tamanna atuutinnilaq, kalaallisut ingerlatsivik nammineq taaguuteqarmat "Digitalimik Sullisinermit Aqutsisoqarfik".</p> <p>Imm. 2-mut: Inatsisip taaguutaa tamarmiusoq ilanngunneqarpoq.</p> <p>Imm. 3-mut: Naalackersuisoqarfiup atia iluarsineqarpoq.</p>
Nunatsinni Eqqartuussivik	<p>Nunatsinni Eqqartuussivik aalajangiiffigisassatut siunnersuummut tusarniaassutigineqartumut oqaaseqaatissaqanngilaq.</p> <p>Nunatta Eqqartuussiviata pingartippaa Namminersorlutik Oqartussat tungaanniit pisortanit oqartussat periarfissaqalersinniarneqarmata allakkanik elektroniskiusunik atuisinnaalernissamik. Kalaallit Nunaanni nunap isorartussusia eqqarsaatigalugu isumaqarluarsinnaavoq qularnaannerusumillu sukkanenerusumillu ingerlanerusinnaalluni innuttaasut tungaannut digitaliusumik attaveqartarneq. Eqqartuussiviup inunnut tungasunik paasissutissat "malussajasut" suliarisarmagit tunuarsimaarfigaarput e-mail-ip atornissaa, taamaattumillu qilanaaraarput isumannaatsumik aaqqissuussinermik atortoqalernissaa innuttaasut tungaannut. Aalajangiiffigisassatut siunnersuut nassiunneqartoq isigaarput aqcutit ilaattut Kalaallit Nunaanni elektroniskiusumik allakkatigut ingerlatsilernissamut.</p>	<p>Siunnersuummi allannguinissamut pissutissaqartitsinnilaq.</p>
Naalackersuisut siulittaasuata Naalak-	<p>Tusarniaassutigineqartut Naalackersuisut Siulittaasuata Naalackersuisoqarfianiit immikkut oqaaseqarnissamut pissutissa-</p>	<p>Siunnersuummi allannguinissamut</p>

kersuisoqarfia	qartitsinngillat.	pissutissaqartitsinngilaq.
Peqqissutsimut Ii-simatusarnermullu Naalakkersuisoqarfik	Peqqissutsimut Iisimatusarnermullu Naalakkersuisoqarfiup qujassutigaa tusarniaanermut periarfissaq manna, nassiunneqartunullu oqaaseqaateqarani.	Siunnersuummi allannguinissamut pissutissaqartitsinngilaq.
Pinngortitamut Avatangüisinullu Naalakkersuisoqarfik	Naalakkersuisoqarfik oqaaseqaateqanngilaq.	Siunnersuummi allannguinissamut pissutissaqartitsinngilaq.
Sulisitsisut	<p>NemID isersinnaanermi aammalu attaveqaaqatigiinnermi ullumikkut annertuumik inissimasooeremat (sulilu alliaartuinnartussaassalluni) ullutsinni Kalaallit Nunaanni, ersarittariaqarpoq innuttaasut suliffeqarfiillu naammagittaalliorsinnaanermik periarfissaqarnissaat, NemID-mik pilersitsinngitsoortarnernut.</p> <p>Tamanna pisortat suliassarimmassuk, - naak suliariumannittussarsiuussinissamut periarfissaqaraluartoq, - Sulisitsisut isumaqarput aalajangiisarnerit pisartussat NemID-mik pilersitsisarnernut matusisarnernullu inatsisitigut illersuineramik ilaqartariaqartut, pisortanit ingerlatsinerimi aaqqissuussinerit iluanniittunik.</p> <p>Taamaattumik Sulisitsisut siunnersuut tapersorpaat.</p>	Siunnersuummi allannguinissamut pissutissaqartitsinngilaq.